

佛說光讚般若波羅蜜經卷第 河一

西晉三藏法師竺法護譯

衛聖因念士男四一監元錢板并書

光讚品第一

聞如是一時佛遊羅閱祇耆闍崛山中與摩訶比丘僧五千俱皆阿羅漢也諸漏已盡無有塵垢而得自在心安解脫智慧善度速得仁和為大開導所作已辦所設究竟棄捐重擔速得已利除終始患平等解脫濟一切想得度無極唯除一人賢者阿難學須陀洹復與五百比丘俱及比丘尼優婆塞優婆夷皆悉現在并諸菩薩摩訶薩得諸摠持速成三昧修于空行遵於無想不念眾願以得等忍制攬無數皆得五通所言聰捷無有懈怠獨捨家利所慕之心所說經法不僥供養致深妙法度於無極得無所畏超越魔事脫於一切陰蓋之礙講諸因緣心志所趣從無數劫精進行願其意所向喜悅問訊常先於人離

於結恨入於無數眾會之中威勢巍巍無所畏難憶念無量劫之事若說經法曉練眾議猶如幻化野馬水月夢與影響若鏡中像勇猛無侶以微妙慧知眾生心所起所行超度分別意不懷害怨熱忍辱具足所行曉了審諦所當度者攝取佛土無限之願常三昧定目覩無數諸佛世界暢達宜便啟請無量諸佛世尊進退能快若干種見所著之處定意自娛解百千行諸菩薩者德皆如是其名曰毘陀和菩薩羅隣那竭菩薩摩訶須菩和菩薩那羅達菩薩橋日兜菩薩和輪調菩薩因茲菩薩賢守菩薩妙意菩薩持意菩薩增意菩薩不虛見菩薩立願菩薩周族菩薩常精進應菩薩不置遠菩薩日盛菩薩無吾我菩薩光世音菩薩溥首菩薩寶印首菩薩常舉手菩薩常下手菩薩慈氏菩薩諸菩薩眾如是難限不可計數億百千劫一切妙德清淨同真尔時世尊坐於自然師子之牀而結

跏趺正身而處心有所向制立其意有三昧  
 名定意王以時三昧自然正受則皆普入一  
 切定意救攝平等御而趣之佛適三昧其心  
 安寂而以道眼觀斯世界其身湛然而笑從  
 其足心放六萬億百千光明十足指放十億  
 百千光明兩脅放二億百千光明兩膝放二  
 河光讚

億百千光明兩脚放二億百千光明兩肩放  
 二億百千光明兩肘放二億百千光明齋放  
 億百千光明頭放億百千光明十手指放十  
 億百千光明兩臂放二億百千光明兩眉放  
 二億百千光明項放億百千光明兩眼放二  
 億百千光明兩耳放二億百千光明鼻放億  
 百千光明四面放四百億百千光明四十齒  
 放四十億百千光明眉間相放億百千光明  
 頂髻相放六萬億百千光明照此三千大千  
 世界無所不周普耀東方江河沙等諸佛國  
 上南方西方北方四隅上下亦皆如是其有  
 衆生蒙值光明心皆恬怕悉發無上正真之

道於是世尊即時欣笑從諸毛孔放衆光明  
 照此三千大千世界普遍十方無不周接江  
 河沙等諸佛世界其有群萌為光所照悉皆  
 寂然存于無上正真之道是時世尊則演如  
 來清淨真妙志性光明照此三千大千世界  
 普及十方各江河沙等諸佛國土假令人民

逮斯光者則皆究竟至於無上正真之道於  
 是世尊從其舌本悉覆佛土而出無數億百  
 千光明照此三千大千世界周遍十方各江  
 河沙等諸佛國土其光明中自然而植金寶  
 蓮華其蓮華上各有諸佛結跏趺坐寶蓮華  
 講說經法演於六波羅蜜十方一切亦復如  
 河光讚

是若有衆生聞斯法講一切究竟皆得堅住  
 阿耨多羅三耶三菩於是世尊坐師子林有  
 三昧名師子娛樂以斯定意自然正受如其  
 色像咸演威耀示斯神足三千大千世界六  
 反震動遍際亦搖中順至邊安和柔軟愍傷  
 一切衆生之類令獲安隱快樂無患尔時三

千大千世界地獄餓鬼畜生諸不開者恐懼  
厄者自然爲斷三塗除已悉自致來得生爲  
人四天王忉利天監天兜術天尼摩羅夫波  
羅尼蜜天於時諸天適生彼間人中天上即  
識宿命歡喜悅豫往詣佛所稽首足下义手  
歸命十方一切亦復如是等無差特尔時此

三千世界衆生之類盲者得目而靚色像聾  
者微聽聞諸音聲志乱意惑還復其心迷憤  
者則時得定其裸形者自然衣服其飢虛者  
自然飽滿其消渴者無所思僥其疾病者而  
得除愈身瑕玼者諸根具足其疲極者自然  
得解久倚身者則無所倚一切衆生得平等  
心展轉相瞻如父如母如兄如弟如姊如妹  
各各同心等無偏邪皆行慈心一切群萌悉  
修十善清淨梵行無有塵埃一切黎庶悉獲  
安隱所得安隱猶如比丘得第三禪于時衆  
生而致智慧而悉具足善快調定離於卑劣  
速得和雅於是世尊在師子牀處於三千大

千世界而最超異威神巍巍光耀煌煌無有  
畏懼聖明輝赫尊顏具足無不周普照于東  
方江河沙等諸佛世界八維上下各江河沙  
等世尊國土如須弥山超踰一切諸山之上  
明在所通於是世尊承如來旨已自然聖令  
三千大千世界衆生悉共瞻觀時此世界首

陀衛淨居諸天梵天波羅尼蜜天尼摩羅天  
兜術天監天忉利天四天王天及三千大千  
世界所居人民自然見身親近如來皆得自  
然天華傳飴天香天雜香天持香天青蓮扶  
容衡華諸妙天華莖葉具足各各發行齎詣  
如來稽首佛足各散佛上及於人間水陸諸  
阿光讚

華各各手執往詣世尊而爲供養諸天人  
所散供養諸華之具上在虛空三千大千世  
界化爲宮殿自然樓觀從其宮殿垂諸天華  
繒蓋幢幡紛葩飄颺顯灼普現其諸華香莊  
嚴三千大千佛國自然巍巍形像衆色如紫  
磨金八維上下芬馥晃昱亦復如是於是闍

浮提城所有人民瞻觀如來現身威變不可稱計心各念言今日如來坐於我前普佛國土亦復如是各各心念今日如來在我前坐而說經法於時世尊在師子牀更復欣笑加復重照三千大千世界弘光赫奕此土人民悉共觀見東方江河沙等諸佛國上現在如來至真等正覺與諸菩薩聲聞之衆又復東方江河沙等諸佛世界所有衆生悉亦遙見此佛國土釋迦文佛與比丘僧及諸菩薩而坐說經八維上下亦復如是悉遙見此等無差特於是過東方江河沙等諸佛世界最西國土名寶迹其佛号寶事如來至真等正覺今現在爲諸衆生亦復講說摩訶般若波羅蜜經彼時其佛世界而有菩薩号曰普明觀大光明及地大動即便往詣寶事如來稽首問曰唯然世尊以何因緣其大光明照此佛土地大震動諸如來身自然爲見會當有意彼佛告於普明菩薩曰族姓子欲知西方極

何

光讚

五

秀

遠有忍世界其佛号釋迦文如來今現在爲諸菩薩說般若波羅蜜是其威神光也普明菩薩白寶事如來唯然世尊我欲詣彼見釋迦牟尼如來稽首作禮及諸菩薩摩訶薩衆童真等得諸摠持究竟三昧定意自在得度無極釋迦牟尼多阿竭阿羅訶三耶三佛寶事如來阿羅訶三耶三佛生普明菩薩曰往善男子汝知是時寶事如來賜普明菩薩金色蓮華而有千葉取善男子此寶蓮華以用供散釋迦牟尼如來善男子欲往修寂然行忍界菩薩生彼土者甚有患難亦難值遇普明菩薩即受其金色蓮華與無數億百千姪諸菩薩衆男女大小居家出家則以供養東方諸佛天中天承事歸命上諸華香雜香擣香次復詣釋迦牟尼如來稽首足下却住一面普明菩薩白世尊曰唯然大聖寶事如來敬問無量無求輕便力行安乎又復遣進金色蓮華佛受蓮華尋以遙散東方江河沙諸佛國土

其華即時周遍東方諸佛世界有佛坐於自然金色蓮華講說經法亦復演斯六波羅蜜其有衆生聞此說者一切究竟即時堅住於阿耨多羅三耶三菩男女大小悉禮佛足各以功德供養多呵竭阿羅呵三耶三菩南方去此江河沙等最極邊際有佛世界名曰離

一切憂其佛号無憂首多呵竭阿羅呵三耶三佛彼有菩薩名離感啓辭其佛佛賜蓮華與無數菩薩俱經諸國土供養諸佛來詣釋迦牟尼如來稽首供養却坐聽經西方去此江河沙等有世界名曰寂然其佛号寶龍多呵竭阿羅呵三耶三佛彼有菩薩名曰意行啓

辭其佛佛賜蓮華與無數菩薩俱經諸國土供養諸佛來詣釋迦牟尼如來稽首供養却坐聽經北方去此江河沙等有世界名曰致勝其佛号勝諸根多呵竭阿羅呵三耶三佛彼有菩薩名曰施勝啓辭其佛佛賜蓮華與無數菩薩經諸國土供養諸佛諸釋迦牟尼如來

光讚

六

香

稽首供養却坐聽經下方去此江河沙等有世界名曰仁賢其佛号賢首多呵竭阿羅呵三耶三佛彼有菩薩名曰蓮華上啓辭其佛佛賜蓮華與無數菩薩俱經諸國土供養諸佛詣釋迦牟尼如來稽首供養却坐聽經上方去此江河沙等有世界名曰欣樂其佛号樂

首多呵竭阿羅呵三耶三佛彼有菩薩名施樂啓辭其佛佛賜蓮華與無數菩薩俱經諸國土供養諸佛詣釋迦牟尼如來稽首供養却坐聽經其四維者亦復如是等無差特尔時於此三千大千世界尋即而雨諸寶華香幡蓋自然莊嚴香樹華樹譬如蓮華跡世界普華多呵竭阿羅呵三耶三佛佛土溥首菩薩所遊居處善住意諸天子及餘大神尊勢無極菩薩之衆世尊所與及餘諸天世間人民皆來聚會諸魔梵大并聲聞衆捷沓和阿湏倫神人民悉普來會此諸菩薩摩訶薩爲童子時所服飲食功德自然尔時世尊告賢者

舍利弗於斯若有菩薩摩訶薩便當精修學  
 般若波羅蜜舍利弗白佛唯然世尊云何菩  
 薩摩訶薩一切具足曉解諸法學般若波羅  
 蜜乎佛告舍利弗菩薩摩訶薩住於般若波  
 羅蜜已修無處所即便具足檀波羅蜜令不  
 缺減有所施與無所愛逆尸波羅蜜當令具  
 何 光讚 七

足從是因緣未曾住于於罪不罪亦當具足  
 羸波羅蜜與無瞋恚當學惟逮波羅蜜便得  
 受決從其身意與諸精進不起諸漏當具足  
 禪波羅蜜由是之故無所求慕佛言舍利弗  
 若菩薩摩訶薩住般若波羅蜜則自具足於  
 四意止發無所發又當具足得四意斷四神  
 足五根五力七覺八由行悉令具足空無三  
 昧無想三昧無願三昧而決具足四禪四等  
 四無色三昧及八脫門漸清具足而以正受  
 以此為脫無所思想無有內想若供養想若  
 光明想無絳赤想無腐敗想無有青想無食  
 齧瘡爛想亦無亂想無枯骨想無星散想無

處所想悉離諸想常志於佛念於經典念於  
 衆僧念於戒禁意在惠施志前諸天出入之  
 意死亡之意無常之想苦樂之想無非身之  
 想終始之想一切世界無無樂想諸習之想  
 滅盡之想道慧盡慧無執諸慧無所起慧法  
 慧於諸經法亦無所慧亦無我慧無有內慧  
 微妙意慧曉了諸慧如所謂慧悉以思念所  
 行三昧無想無念無行定者而無有異諸根  
 為異異根異行又復有行難所獲致如來十  
 力四無所畏四分別辯佛十八法不共之事  
 大慈大悲欲得曉了此一切緣菩薩摩訶薩  
 當行般若波羅蜜若有具足諸道慧者菩薩  
 摩訶薩當行般若波羅蜜欲曉了慧具足充  
 備諸通慧者當行般若波羅蜜菩薩摩訶薩  
 若欲明了一切得近蠲除塵勞菩薩摩訶薩  
 當行般若波羅蜜如是舍利弗菩薩摩訶薩  
 則為修學般若波羅蜜佛復告舍利弗若有  
 菩薩摩訶薩欲入寂然當學般若波羅蜜菩

子勸明布施聲聞辟支佛超越彼等當學般  
若波羅蜜菩薩摩訶薩欲過一切聲聞辟支  
佛戒禁勸助心意當學般若波羅蜜若欲具  
足三昧智慧解脫度知見慧菩薩摩訶薩當  
學般若波羅蜜菩薩摩訶薩欲成顯於禪定  
三昧三摩越勸助合集解心之念所當學般

若波羅蜜菩薩摩訶薩若欲勸助布施分別  
無限無量成就功德當學般若波羅蜜菩薩  
摩訶薩若欲具足成就無限無量持戒忍辱  
精進一心智慧當學般若波羅蜜佛復語舍  
利弗若有菩薩摩訶薩欲具足立檀波羅蜜  
尸波羅蜜羼波羅蜜惟逮波羅蜜禪波羅蜜

般若波羅蜜行一切所生得見諸佛自致成  
佛當學般若波羅蜜欲成三十二相八十種  
好具足菩薩性若為真童欲立此地不離諸  
佛世尊所欲志念諸善德本供養如來奉持  
順命其願輒成若欲具足一切眾生心之所  
僥飲食衣服車乘香華雜香塗香牀卧燈火

手中履屨所當得者充滿諸財當學般若波  
羅蜜復次舍利弗若菩薩摩訶薩欲具足江  
河沙等眾生勸立於檀波羅蜜尸波羅蜜羼  
波羅蜜惟逮波羅蜜禪波羅蜜當學般若波  
羅蜜復次舍利弗若菩薩摩訶薩以一善本  
順如來德無有盡耗亦不缺減乃至成阿耨  
何九

多羅三耶三善者當學般若波羅蜜復次舍  
利弗若菩薩摩訶薩與學般若波羅蜜八維上  
下諸佛天中天皆共歌誦其人功德發意之  
頃東方江河沙等諸佛國土欲遊此界及至  
十方當學般若波羅蜜以一音聲欲告江河  
沙諸佛國土東西南北四維上下當學般若  
波羅蜜復次舍利弗若菩薩摩訶薩欲建立  
諸佛國土令不斷絕欲住內空若處外空若  
內外空若於空空若於大空究竟之空所有  
空無有空有為空無為空若真空者無祠祀  
空無因緣空因緣空自然相空一切法空不  
可得空無所有空若自然空無形自然空因

緣威神諸行相欲至此者當學般若波羅蜜復次舍利弗菩薩摩訶薩欲得親近一切如來欲得觀解一切諸法欲了諸法在於本際當學般若波羅蜜如是舍利弗菩薩摩訶薩欲成般若波羅蜜當如是住復次舍利弗菩薩摩訶薩度計數知三千大千世界沙石樹華一切諸塵衆疑不決當學般若波羅蜜三千大千世界所有大海江河川流泉原欲知有幾滂多少之數無所傷害度海虫類當學般若波羅蜜復次舍利弗假使三千大千世界所有火者一時普然猶如劫燒一面一時悉欲滅者令無所然當學般若波羅蜜復次舍利弗菩薩摩訶薩三千大千世界所有諸風有此國土吹拔崩碎諸須弥山令無有餘譬如灰塵淨滅有如然蓋如然蒿草若以一指手指足指欲令滅盡三界火者當學般若波羅蜜復次舍利弗菩薩摩訶薩三千大千世界所有虛空欲以普身一跏趺坐周遍虛

空者當學般若波羅蜜自在變化無近無遠無大無小當學般若波羅蜜復次舍利弗菩薩摩訶薩欲取三千大千世界諸須弥山以一手舉諸須弥山置于殊異無量諸佛世界無往返想不增不减當學般若波羅蜜復次舍利弗菩薩摩訶薩摩訶薩東方江河沙等諸佛世界光讚佛天中天聲聞辟支佛皆欲一時同時合集以供養者當學般若波羅蜜復次舍利弗菩薩摩訶薩若一衣服香華擣香塗香繒蓋幢幡以持供養多呵阿竭阿羅呵三耶三佛及聲聞衆奉事歸命一時應集當學般若波羅蜜復次舍利弗菩薩摩訶薩三千大千世界所有衆生皆欲建立於尸波羅蜜三昧智慧解脫見慧須陀洹果斯陀含果阿那含果至於無餘住泥洹果而般泥洹當學般若波羅蜜復次舍利弗菩薩摩訶薩行般若波羅蜜若布施者波羅蜜當作是學如此施者獲大果報如是施者生於君子族姓家梵志大



族姓長者如此施者生於四王天上忉利天  
兜術天尼摩天波羅尼蜜天如是施者依於  
斯施思第一禪第二第三至第四禪無量虛  
空定意正受無量空慧無量不用慧天無想  
有想三昧禪如此施者與八聖路得須陀洹  
果斯陀含果阿那含果阿羅漢果辟支佛果

若曉于此當於是學般若波羅蜜復次舍利  
弗菩薩摩訶薩行般若波羅蜜常以權慧有  
所施與為具檀波羅蜜尸波羅蜜羸波羅蜜  
惟逮波羅蜜禪波羅蜜般若波羅蜜舍利弗  
白佛言云何菩薩摩訶薩具足六波羅蜜答  
曰其布施主無所著念所施受者亦不志恩  
光贊  
是為檀波羅蜜無所犯負不以禁戒而自綺  
飭是為尸波羅蜜常懷忍辱無瞋恚恨心向  
於衆生是為羸提波羅蜜精進不怠欲度一  
切是為惟逮波羅蜜一心寂然而無憤亂是  
為禪波羅蜜智慧解空不計吾我是為般若  
波羅蜜取要言之復重解義於罪無罪亦無

無罪是尸波羅蜜無有瞋恨是羸提波羅蜜身  
心精進不以疲倦是惟逮波羅蜜與於不亂  
無所想念是禪波羅蜜解一切法而無所著  
是般若波羅蜜復次舍利弗菩薩摩訶薩欲  
得成就過去當來今現在諸佛世尊功德之  
義當學般若波羅蜜欲得超度有為無為諸

法行者去來今法至於無本諸法所興不起  
本際欲逮此者一切聲聞辟支佛諸菩薩法  
欲行諸佛世尊而供養者欲得具足諸佛眷  
屬無量群從欲得獲致菩薩枝黨欲得淨畢  
衆祐之德欲致布施心無所受不起犯戒想  
無瞋恚心無懈怠心不欲發起於亂心者又不  
欲起愚疑心者當學般若波羅蜜復次舍利  
弗菩薩摩訶薩欲立衆生於布施德持戒智  
慧勸令修治所受福德當所興為當學般若  
波羅蜜復次舍利弗菩薩摩訶薩欲興五眼  
當學般若波羅蜜何謂五眼肉眼天眼慧眼  
法眼佛眼當學般若波羅蜜復次舍利弗善

薩摩訶薩欲見東方江河沙國土八維上下諸  
佛世尊所說經法皆以天耳欲得聞者又欲  
得知諸佛世尊心之所念當學般若波羅蜜  
復次舍利弗菩薩摩訶薩諸佛世尊並在  
十方說經法者欲得聽聞而不斷絕至阿耨  
多羅三耶三菩者當學般若波羅蜜復次舍

利弗菩薩摩訶薩若欲得見過去多阿竭阿  
羅呵三耶三佛欲得見於諸佛國者當來現  
在十方世界今現在佛欲得追見國土所有  
當學般若波羅蜜復次舍利弗菩薩摩訶  
薩欲得解知如來所說十二部經聞經分別經  
頌經詩歌經初經此應經生經受經方等經

河

光贊

十二

未曾有法經譬喻經注解章句經諸聲聞所  
不聞者皆欲得翫習誦者當學般若波羅蜜  
復次舍利弗菩薩摩訶薩欲得聽聞八維上  
下如如來所說經法皆念不失欲得執持已  
得執持而為眾會他人說者當學般若波羅  
蜜復次舍利弗菩薩摩訶薩欲得啓聞過去

未曾有法經譬喻經注解章句經諸聲聞所  
不聞者皆欲得翫習誦者當學般若波羅蜜  
復次舍利弗菩薩摩訶薩欲得聽聞八維上  
下如如來所說經法皆念不失欲得執持已  
得執持而為眾會他人說者當學般若波羅  
蜜復次舍利弗菩薩摩訶薩欲得啓聞過去

薩摩訶薩欲令東方江河沙等諸佛世界及  
十方國土所有眾生其生盲者得目覩形聾  
者逮聽狂者復意裸者獲衣飢者致食渴得  
水兼吾願得力皆蒙斯恩當學般若波羅蜜  
復次舍利弗菩薩摩訶薩其有於斯三千大  
千世界在惡趣者地獄餓鬼畜生群萌之類

吾欲加恩使此黎庶逮得其所八維上下各  
江河沙亦復如是當學般若波羅蜜復次舍  
利弗菩薩摩訶薩江河沙等諸佛世界所有  
眾生欲得建立于禁戒者三昧智慧解脫度  
知見慧須陀洹果斯陀含果阿那含果阿羅  
漢果辟支佛證至成阿耨多羅三耶三菩又

光贊

十三

欲修多呵竭威儀禮節菩薩摩訶薩當學般  
若波羅蜜復次舍利弗菩薩摩訶薩行般若  
波羅蜜當作是觀假令我身不得觀而欲  
察之當學般若波羅蜜設使我身四寸之地  
而以足指靡不周遍從四天王天欲界色界  
阿迦膩吒天無鞅數億百千姪眷屬周匝往  
詣佛樹處于道場當學般若波羅蜜復次舍  
利弗菩薩摩訶薩或坐佛樹四天王天上諸  
天人上乃至于淨居諸天等無差特皆來具  
足布施或當成就阿耨多羅三耶三菩阿惟  
三佛往來住立坐卧則於其地自為金剛欲  
得獲斯當學般若波羅蜜復次舍利弗菩薩  
摩訶薩行般若波羅蜜當作斯觀吾當何日  
出去棄國捨家即日當成阿耨多羅三耶三  
菩得至阿惟三佛以至阿惟三佛即日轉法  
輪以轉法輪令無鞅數不可稱計衆生之類  
遠塵離垢諸法法明淨無量無限群萌之黨  
得無起餘漏盡意解無量無限衆生令口血得

阿惟越致阿耨多羅三耶三菩是菩薩摩訶  
薩當學般若波羅蜜復次舍利弗菩薩摩訶  
薩心念欲得我成阿耨多羅三耶三菩得至  
阿惟三佛有無鞅數比丘聖衆聲聞學者或  
以一反演說經法於一座上得阿羅漢諸菩  
薩摩訶薩皆速阿惟越致阿耨多羅三耶三  
菩有無鞅數不可稱限不可計量諸菩薩衆  
其壽無量光明照遠無有邊際當學般若波  
羅蜜復次舍利弗菩薩摩訶薩或欲得致阿  
耨多羅三耶三菩速成阿惟三佛欲令其佛  
國土無有姪怒癡音響之名使一切衆生皆  
獲如是色像如般若波羅蜜具足成就所施  
善哉調順快哉妙哉智慧善修梵行而順遊  
不居衆生則為快哉當學般若波羅蜜復次  
舍利弗菩薩摩訶薩願我當速獲具足聖達  
而以正法財富之定無有音聲當學般若波  
羅蜜心自願言吾清聲聞令江河沙等世界  
衆生之類速得阿耨多羅三耶三菩當學般  
何光贊  
十四

若波羅蜜

光讚般若波羅蜜經順空品第二

佛告舍利弗菩薩摩訶薩行般若波羅蜜時  
興斯之德四天王即時歡喜我等當立四枚  
之鉢四天王前以所奉進過去怛薩阿竭阿  
羅呵三耶三佛亦當貢上學道法者時怛利

天亦復踊躍鹽天兜率天尼摩羅天波羅尼  
蜜吾等悉當奉事供養此善男子阿須倫身  
則為減損長益諸天身三千大千世界上至  
阿迦膩吒天莫不踊躍吾等請勸使轉法輪  
舍利弗菩薩摩訶薩行般若波羅蜜時則  
為長益具六波羅蜜善男子善女人歡喜悅豫

吾等當為父母之慈妻子親屬朋友親厚之  
慈父母兄弟妻子親厚知友愛敬喜見之四  
天王怛利天炎天兜率天尼摩羅天波羅尼  
蜜天上至阿迦膩吒天不令菩薩與塵欲相  
值發心往詣承事作禮吾等亦當使得清淨  
梵天行離穢濁行無習婬欲致生于梵天無

有放逸而續放逸諸有色者不能進至阿耨  
多羅三耶三佛是故菩薩以淨梵行棄捐家  
業乃逮阿耨多羅三耶三佛阿惟三佛不以  
穢濁而得佛道賢者舍利弗白世尊曰菩薩  
之法必當有父母妻子親厚知友耶佛告舍  
利弗若有菩薩必當有父母不應有妻子或

河

光讚

十五

初發意淨修梵行成為童真至成阿耨多羅  
三耶三佛阿惟三佛或有菩薩以漚和拘舍  
羅習於五欲然後捨家逮得阿耨多羅三耶  
三佛阿惟三佛譬如巧點幻師及與弟子善  
學幻術化造五欲以此五樂而用自娛戲笑  
為行於舍利弗意云何其幻師者寧為服習  
於五欲乎舍利弗曰不也天中天佛言如是  
舍利弗菩薩摩訶薩以漚和拘舍羅習於五  
欲勸化衆生其菩薩摩訶薩不為五欲之所  
沾汙菩薩摩訶薩以無鞅數事嗟歎愛欲或  
有毀咎欲為燃熾愛欲瑕穢欲為仇怨欲為  
怨敵如是舍利弗菩薩摩訶薩度衆生故而

爲分別此五欲事舍利弗白佛唯天中天云何  
菩薩摩訶薩行般若波羅蜜佛言舍利弗  
菩薩摩訶薩行般若波羅蜜不見菩薩亦不  
見菩薩字亦不見般若波羅蜜亦不見行般  
若波羅蜜字亦不見非行所以者何菩薩之  
字自然空其爲空者無色無痛痒思想生死  
識不復異色空不復異痛痒思想生死識空  
如色空痛痒思想生死識亦空所謂空者色  
則爲空痛痒思想生死識亦自然所以者何  
所謂菩薩但假号耳所謂道者則亦假号所  
謂空者則亦假号其法自然不起不滅亦無  
塵勞無所依倚無所諍訟若有菩薩所行  
如是不見所起亦不見所滅不見所倚不見  
所訟所以者何誑詐立字因遊客想或想念  
故而致此法何從立字但託虛言曉了如是  
菩薩摩訶薩則爲行般若波羅蜜一切不見  
有名号也已無所見亦非不見則無所倚則  
爲行般若波羅蜜

光讚般若波羅蜜經卷第一 目 河一

光讚般若波羅蜜經卷第二 河二

西晉月支沙門竺法護譯

行空品第三

佛復告舍利弗菩薩摩訶薩行般若波羅蜜  
時當作斯觀所号菩薩所謂佛者亦假号耳  
所謂名色痛痒思想生死識亦假号耳皆由  
吾我所謂我者適無所有無我無人無命無  
壽及含血蠕動無心無意若作所造自然所  
習所更所見知見之事如此輩類皆不可得  
空無所著悉由假号但有虛言如是菩薩摩  
訶薩爲行般若波羅蜜不見衆生設無所見  
亦不有見亦復不見所說言也菩薩摩訶薩